



Jacobi Alvarez de Paz Opera

De Exterminatione Mali, Et Promotioне boni - Libri quinque

Álvarez de Paz, Jacobo

Lvgdvni, 1613

Alia esse remedia ad diluenda peccata venialia. Cap. 14.

[urn:nbn:de:hbz:466:1-77843](#)

leuia dissimilante, rubore suffundi. Dicantur tandem in speciali; vt quid enim particulae quod hodie gessimus generalibus verbis oboluimus, vt spiritualem patrem, illa verba humilitatis esse, & cordis pristina errata commemorantis, existimantem quadam duplicitate decipiamus: Illum quidem, o religiose, decipere poteris, sed Deum vtique non decipies, qui tuam hanc immortificationem insimulat, & ob illam fortassis efficacissima auxilia, quae daret, ad tui emendationem negat.

Absolutione suscepta, non tantum satisfactione a sacerdote imposta, quae leuis esse solet, implenda est, sed alia etiam pro quotidiana peccatis sponte & magno feroce praestanda. Hec autem tribus praecipiuntur. Primo quidem quotidiana oratione, qua afflitos defectus nobis remitti postulamus. Vnde Hugo in regula. c. 10. ait: De quotidiani, leuis, brevibusque peccatis, sine quibus haec vita non dicitur, quotidiana oratio fidelium satis faciet. Eorum enim est dicere: Pater noster, qui es in celis, qui iam tali patri regenerati sunt ex aqua & Spiritu sancto. Delet omnino haec oratio minima quotidianaque peccata. Huiusmodi vero oratio ad duplex tempus praecipiunt quotidiana examinationis pertinet, vt qui bis in die conscientiam discutimus, bis etiam pro his, quae prepostere gesta iudicamus, indulgentiam postulemus. Secundo fit satisfactionis operibus, quae corpori aliquam molestiam infligunt. Ad quod referendum est illud Leonis Papae: Curandis lesionibus, in quas saepe incidunt, qui cum inuisibili hoste configuntur, trium maximè remediiorum est adhibenda medicina: in orationis instantia, in castigatione ieunij, in elemosyna largitate. Tandem fit operibus pietatis, quae dum proximi indigentiae non tantum corporali, sed multo magis spirituali subueniunt, diuinam misericordiam ad parendum inclinant. Quod enim impio regi dictum est: Peccata tua elemosynis redime, etiam in leuisibus peccatis habet locum, que sicut faciliora sunt, ita etiam facilius ob pictatis opera condonantur. Atque id infinitus Augustinus, dicens, sine macula esse non solum perfectum, sed & illum, qui caret criminibus damnableibus, & venialia peccata non negligit elemosynarum largitione mundare. Ista omnia in unum colligit Cæsarius, dicens: Ideo peccata haec continuis orationibus, & frequentibus ieunii, & largioribus elemosynis, & per indulgentiam eorum, qui in nobis peccant, affluidi redimuntur. Qui non rapidè, & quasi ex consuetudine, sed feruenter, & eomodo, quem exposuimus, confessione quotidianorum peccatorum usus fuerit, non tantum præterita diluet, sed fortitudinem in se, & auxilium diuinum ad futura minuenda, & vanda cognoscet.

Alia etiam esse remedia ad eluenda peccata venialia.

C A P. X I V.

Dy o medicamina huc usque pro peccatis leuis affignata, communia sunt illis, & peccatis lethibus, immo primo, & principaliter pro his data atque instituta. Sunt vero alia specialia, quae ad peccata leuia plurimum valent, quae nunc breuiter attingenda sunt, & quomodo hunc effectum habent, explicandum. Et (vt nunc fere omnia sacramenta præteremus, quae ad propositum nostrum non faciunt, & de penitentia sacramento iam tra-

A ctatum est) certe sacrosancta Eucharistia vim habet hac leuia peccata remittendi, adeo vt qui eam dignè suscepit, & effectum peccati venialis abstulerit, eius indulgentiam obtineat. Vnde Tridentina Syndicus ait: Eucharistiam antidotum esse, quo liberemur à culpis quotidianis, & peccatis mortalibus praeseruemur. Et Ambrosius inquit: Si quotiescumque effunditur sanguis, in remissionem peccatorum funditur, debeo illum semper accipere, vt semper mihi peccata dimittantur. Qui semper pecco, semper debeo habere medicinam. Merito autem piissimo patre in filij domum intrante minora delicta obliuioni traduntur, vt sic possit confidentius ad pedes genitoris procumbere, & dona cœlestia à sanctitatis auctore purus factus impetrare.

B Sed omisso nunc hoc præstantissimo medicamine, quod ob sui maiestatem non passim, nec sine magna reverentia & preparatione suscipitur, nonnulla alia remedia pro venialibus ex perpetua Ecclesiæ traditione noscuntur, quae nos his maculis pollutos emundant. Quae ob id sacramentalia vocantur, quod signa sint sensibilia ad latentem aliquem & spiritualem effectum instituta. Huiusmodi autem sunt: Oratio Dominica; aqua lustralis, seu benedicta; confessio generalis; tunis peccatoris, elemosyna; Episcopi, aut Abbatis confederati benedictio; & oratio facta in Ecclesia consecrata, & si que sunt alia, quae hoc sacramentalium nomine censeantur, de quibus inter Theologos non conuenit, nec nostrum est ad omnia sigillatim descendere. Oratio quidem Dominica, ex ea parte qua dicit: Et dimite nobis debita nostra, si non tantum, sed corde potius, & cum debita cōpunctione, & cum venialium dispiciencia dicatur, ea quoad culpam, & quoad peccatum, aut totalem, aut partem eius pro compunctionis qualitate, remittit. Quare Augustinus ait: Est etiam pœnitentia, bonorum & humilium fidelium pœna quotidiana, in qua peccatoria mundimus, dicentes: Dimitte nobis debita nostra, sicut & nos dimittimus debitoribus nostris. Neque enim ea nobis dimitti voluntus, quae dimissa non dubitamus in baptismo, sed illa vtique, quae humanæ fragilitati, quamvis parua, tamen crebra subrepunt.

C Matt. 6.
vn. 12.

Dqua benedicta ad hoc interalia instituta est, vt nos à maculis paruis emundet. De qua Alexander Papa primus ait: Aquam sale conspergant in populis benedicimus, vt ea cuncti aspersi sanctificetur, & purifcentur: quod omnibus sacerdotibus faciendum esse mandamus. Nam si cinis vitulæ aspersus populum sanctificabat, atque mundabat; multo magis aqua sale aspersa, diuinisque precibus sacra, populum sanctificat, atque mundat. Non tamen ita aqua lustralis mundat quasi sola eius aspergo, aut tantum valeat peccata leuia remittere, sed quatenus eam accipimus vt motum internum pœnitentia, ac displicientia circa ista peccata, suscitamus. Quod Thomas Aquinas expresse docet, dum in hunc modum scribit: Omnia ista (& loquitur de sacramentalibus) causant remissionem peccatorum venialium, in quantum inclinant animum ad motum pœnitentia, qui est detestatio peccatorum. Quamobrem, qui volumus frequenti vfu benedictæ aqua, à maculis, quae singulis momentis irrepunt, emundari, oportet vt pie & reuenter eam accipiamus, & displicientia ac compunctionis actu erga huiusmodi defectus excitemus, alioquin ad hunc effectum nihil proficiet. Quod & communis fideliū usus approbat, qui cum Ecclesiæ ingrediuntur, & aqua benedicta se ipsos aspergit, solent aliquam preculam recitare, quae delictorum detestationem, & veniam postulationem designet.

Concil.
Trid. sess.
13. c. 2.
Ambr. 4.
de sacr.
c. 6.

Augst.
epis. 108.
ad Seleu
ciannam.

D.Thom.
3.p.1.87.
art. 3. ad
I.

Generalem

Generalem confessionem hanc etiam virtutem habere diluendi peccata levia certum est, ex ea parte qua peccata confitetur, & displicentiam eorum praeficit, & pro erratis per intercessionem sanctorum veniam exposcit. Vnde in principio Missæ, ac in solemnni administratione Eucharistie dicitur, ut tum minister tum susceptor maiori cum anima puritate ad sanctam illam actionem accedant. Sed tunc levia peccata diluet, cum id quod os dicit, cor teneat: cum scilicet sicut exterius signum compunctionis & humilationis praesertim, ita interior peccata nostra detestamur. Sola enim horum verborum pronuntiatio, sine interiori mentis motu, quo in nostra peccata insurgamus, non sufficiet nos emundare.

Tunus peccoris ad eandem emundationem plurimum valet. Ideoque Augustinus ait: Peccata levia nos ab sponsi amplexibus separare, nisi quotidiana penitentia discentur. Quorum delendorum causa quotidie tundimus peccato, & nos peccatores confitemur. De qua tunione peccoris idem quod de aliis dicendum est, ex ratione ad haec peccata remittenda valere, qua motum interior detestacionis exsuscitat. Quare in scripturis sanctis ut signum huius detestacionis edicitur. Et de publicano illo scriptum est: Quia [percutiebat peccatum suum, dicens: Propitius esto mihi peccator.] & de his, qui astirent neci Domini: quod [percutientes peccato sua reuertebantur.] Atque sancti patris Hieronymi narrat historia, quod læpe hac pia vtebatur ceremonia, & non pugno, sed lapide, peccatum suum fontem mala- rum cogitationum, castigabat.

Eleemosyna, non solum corporalis, verum & spiritualis, horum etiam est peccatorum medicamentum. Nam regi Nabuchodonosori dictum est: Peccata tua eleemosynis redime, & iniurias tuas misericordia pauperum. Et Ecclesiasticus: Ignem ardorem extinguit aqua, & eleemosyna reluit peccatis. Nec non & Ambrosius: Medicina misericordiae tollit peccata magna. Habet plura subsidia, quibus peccata nostra redimimus. Pecuniam habes: Redime peccatum tuum. Non venalis est Dominus, sed tu ipse venalis es, redime te operibus tuis; redime te pecunia tua; vilis est pecunia, sed pretiosa est misericordia. Ita & similia passim de eleemosyna scripta sunt, non quia immediate delicta tollat, sed quia cor ad motum detestacionis habendum emollit, & partu nostra misericordia magnam Domini misericordiam ad dandum nobis dolorem peccatorum inficit.

Episcopalis benedictionis virtus ad diluenda minora peccata, ex Numerorum libro colligitur, ubi legalibus sacerdotibus dictum est: Sic benedic filii Israël. Benedic tibi Dominus, & custodi te; & ego benedic eis. Si enim illi benedicebant, & Domini benedictionem impetrabant, multo melius eam impetrabant sacerdotes nostri pro his qui peccata sua detestantur, cum se ad benedictionem recipiendam submitterent. Augustinus quoque ait: Dictum est à Domino ad Aaron: Vos ponite nomen meum super filios Israël, ego Dominus benedic eis, & vt gratiam tradam per ministerium ordinari transfundat hominibus: nec, voluntas sacerdotis obesse, aut prodesse posset, sed meritum benedictionem poscentis.

Tandem valer ad horum peccatorum remissio- nem oratio pro ipsis peccatis sula in Ecclesia Deo dicata. Nam locus ille ad hoc aut consecratus est, aut dicatus in honorem Domini, vt in eo ipsum Dominum adoremus, & beneficiorum dona, ac veniam peccatorum consequamur. Et Dominus promisit

A Salomoni se exauditurum orationes hominum in templo sancto suo, quibus peccatorum veniam postularent. Licet autem pro bonitate sua orationes humilium in quocunque loco fusas exaudiatur, tamen in loco ad orationem dicato carteris paribus cum largiore in dando, & in condonando benigniorem inuenimus.

Hæc igitur omnia etenim vim habent remittendi peccata levia, quatenus habent aliquam efficaciam ad excitandum nos ad motum penitentia, cuius virtute peccata solvuntur. Cum enim sacramentalia ista, & si qua sunt alia, ab Ecclesia sint instituta, quæ habet quidem potestatem remittendi peccata, non tamen instituendi signa sensibilia, quæ ipso opere operato (vt aiunt) remittant peccata, fit ut ipsa defensione non habeant maiorem vim ad peccata delenda, quam eam, quæ ex motu penitentia ipsis accrescit. Ex eo autem sacramentalia habent vim excitandi motum penitentia, quia (vt ex ipsiusmet constat) signa sunt externa detestationis internæ, quam, cum nos accusamus, aut peccatum tundimus, aut veniam postulamus, aut facimus aliquid aliorum, concipiimus. Et etiam quia Dominus ob orationes Ecclesie sponsæ sua videntibus his ceremoniis deuotè auxiliū gratiæ ad peccatorum dolorem ac detestacionem solerè impertiri. Quæ ideo dicta sunt, vt in quotidiano vsu aliquorum sacramentalium, nempe orationis Dominicæ, aquæ lustralis, tunisonis peccatoris, & confessionis generalis, debitum spiritum, quo sunt assumenda, queramus. Ita scilicet ut cum aqua lustralis signamus, aliudus defectus simul interior lugeamus: cum confessionem facimus, mente, & compunctione cordis nos peccatores, & indulgentia tribundos fateamur: cum peccato tundimus, multo efficacius animam nostram dolore feriamus; & cum in oratione dicimus: [Dimite nobis debita nostra,] ea quorum veniam petimus, verissimo odio detestemur. Ita qui singulis penitentis momentis peccamus, singulis etiam momentis remedia delenti peccata ad manum habebimus, & qui proclives ad delinquendum sumus, quotidiano immo & afflito vsu horum remediorum à peccatis retrahemur.

*De triplici genere peccatorum venialium
signato per lignum, fænum &
stipulam. 1. Corinthiorum. 3. cap.*

CAPUT X V.

NON tantum necessarium est, in hoc levium peccatorum malo, peccata iam perpetrata penitentia diluere, sed etiam, quæ in futurum committi possunt, diligenter evitare. Ad quod, vt medicamenta utilia assignemus, prius triplex horum peccatorum genus, quod ex Paulo colligitur, distinguamus. Ita namque ad Corinthios scribens, sic ait: Si quis autem superædificat supra fundamentum hoc, aurum, argenteum, lapides pretiosos, ligna, fænum, stipulam, vniuersalia que opus manifestum erit: dies enim Domini declarabit, quia in igne reuelabitur, & vniuersaliaque opus quale sit, ignis probabit. Si cuius opus manserit, quod superadificauit, mercedem accipiet. Si cuius opus asserit, detrimentum patietur, ipse tamen salvus erit, si tamen quasi per ignem. Euangelij administratos instituit eo capite; & cum seipsum non ex superbia, sed ex veritate, & pro gloria Dei, quam se-

1. Cor. 3.
12. 13. 14.
15.